



Mike Hedges AS
Cadeirydd
Y Pwyllgor Deddfwriaeth, Cyfiawnder a'r Cyfansoddiad
Senedd Cymru

SeneddDCC@senedd.cymru

29 Ebrill 2025

Annwyl Mike,

Cytundeb Cysylltiadau Rhyngsefydliadol: Adroddiad Blynyddol y Cytundeb Treftadaeth Geltaidd

Yn unol â'r cytundeb cysylltiadau rhyngsefydliadol, ysgrifennaf atoch i'ch hysbysu bod Treftadaeth Geltaidd – Cytundeb Cydweithio Cernyw-Cymru: Adroddiad Blynyddol 2023-2024 wedi'i gyhoeddi ar wefan Cyngor Cernyw ac mae ar gael [yma](#).

Llofnodwyd Treftadaeth Geltaidd – Cytundeb Cydweithio Cernyw-Cymru gan Gyngor Cernyw a Llywodraeth Cymru ar 17 Gorffennaf 2023. Mae'r Cytundeb, sy'n weithredol am bum mlynedd i gychwyn, yn adeiladu ar y trefniadau gweithio mewn partneriaeth sydd eisoes wedi'u sefydlu rhwng Cyngor Cernyw a Llywodraeth Cymru drwy annog rhagor o gydweithio a dealltwriaeth mewn meysydd sydd o ddiddordeb i'r ddwy ochr ac er budd y ddwy ochr. Cafodd pedwar maes sy'n rhoi cyfle sylweddol i feithrin y berthynas rhwng Cernyw a Chymru eu nodi. Roedd y meysydd hynny fel a ganlyn:

- a) Darparu tai cynaliadwy
- b) Cyflawni Sero Net
- c) Economiâu gwledig ffyniannus.
- d) Dathlu iaith a diwylliant

Mae'r Adroddiad Blynyddol cyntaf hwn, sydd wedi'i gyd-gynhyrchu gan Lywodraeth Cymru a Chyngor Cernyw, yn berthnasol i gyfnod hwy na'r arfer (Gorffennaf 2023-Rhagfyr 2024), er mwyn cynnwys cyfnod cychwyn o chwe mis.

Bae Caerdydd • Cardiff Bay
Caerdydd • Cardiff
CF99 1SN

Canolfan Cyswllt Cyntaf / First Point of Contact Centre:
0300 0604400

Gohebiaeth.Eluned.Morgan@llyw.cymru
Correspondence.Eluned.Morgan@gov.wales

Rydym yn croesawu derbyn gohebiaeth yn y Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwyf hefyd yn anfon copi o'r llythyr hwn at Gadeiryddion y Pwyllgorau canlynol: Y Pwyllgor Newid Hinsawdd, yr Amgylchedd a Seilwaith; Y Pwyllgor Diwylliant, Cyfathrebu, y Gymraeg, Chwaraeon a Chysylltiadau Rhyngwladol; Y Pwyllgor Llywodraeth Leol a Thai; a Phwyllgor yr Economi, Masnach a Materion Gwledig.

Yn gywir,

A handwritten signature in blue ink, appearing to read 'M. E. Morgan', with a long horizontal flourish extending to the right.

Eluned Morgan